

Date: 13.06.2018

S T A T U T
I SHOQERISE ME PERGJEGJESI TE KUFIZUAR
“TRADITION & ADVENTURE”

KAPITULLI I

Emërtimi - Selia - Jetëgjatësia

Neni 1 - Themelimi

Është krijuar një shoqëri me përgjegjësi të kufizuar e quajtur **“TRADITION & ADVENTURE” SH.P.K.** mbi bazën e aktit të themelimit.

Neni 2 - Selia

Shoqëria e ka selinë ligjore në Tirane me adrese : Rruga Rruga Iliria Nr. 104
Laprake Tirane

Neni 3 - Selia sekondare

Asambleja e jashtëzakonshme mund të formojë seli sekondare ose t'i suprimojë ato, ndërsa organi administrativ mund të krijojë e suprimojë filiale, degë, agjensi dhe zyra përfaqsimi ne territorin Shqiptar dhe jashte saj.

Neni 4 - Jetëgjatësia

Jetëgjatësia e shoqërisë është vendosur nga data e krijimit pa afat.

KAPITULLI II

Objekti

Neni 5-Objekti e qëllimet shoqërore

Shoqëria ka për objekt:

- Aktivitet ne fushen e Turizmit, Hoteleri, Bar e Restorant, hapje agjensie Turistike, per shitblerje biletash udhëtimi udhëtaresh, per linjat e udhëtitimit brenda dhe jashte vendit.
- Transport ajror, detar e tokesor te udhëtareve dhe te mallrave te te gjithë llojeve; transporti per nevojat e shoqërise dhe te trete.
- Sherbim transporti turistik te udhëtareve brenda dhe jashte vendit.

- Dhenie dhe marrje automjetesh me qera.
- Si dhe siper marrje te ndryshme, ne perputhje me kerkesat qe burojne nga ligjet ne fuqi.

Shoqëria me qëllim të arritjes së objektivave shoqërore mund të marrë përsipër si direkt ashtu edhe indirekt, pjesmarrje në fitime e pjesmarrje në shoqëri të tjera shqiptare ose të huaja që kanë objekt analog ose të lidhur me të tyren.

KAPITULLI III

Kapitali shoqëror-Kuotat

Neni 6-Kapitali shoqëror

Kapitali shoqëror është 100.000.00 (njëqindmije) lekë, i ndarë në 1 kuote

- ALKIDA DEDE 100.000,00 leke ose 100 % te kapitalit, 1 kuote

Neni 7-Kuotat

Çdo kuotë të jep të drejtën e një vote.

Neni 8-E drejta e pronesisë

Posedimi qoftë edhe i një kuote përbën në vetvehte pranimin e aktit të themelimit dhe të këtij statuti.

Neni 9-Trasferimi i kuotave

Kuotat e shoqërisë janë lirisht të transferueshme midis ortakëve, duke respektuar të drejtën e parablerjes që çdo ortak mund të ushtrojë në përputhje per përqindjen e kuotës që ai posedon.

Kuotat e shoqërisë mund tu transferohen personave të tretë që nuk bëjnë pjesë në shoqëri, vetëm kur Asambleja vendos me shumicën e ortakëve që përfaqsojnë të paktën tre të katërtat e pjesëve të kapitalit themeltar.

Çdo ortak që dëshëron t'u transferojë të tretëve kuotën e tij ose pjesë të saj, duhet më parë t'ia ofrojë atë nëpërmjet një letër rekomandeje ortakëve të tjerë, të cilëve u takon e drejta e parablerjes ndaj së tërës, në përputhje me përqindjen e kuotave të tyre në kapitalin themeltar.

Oferta e blerjes duhet të përmbajë sasinë e kuotave që do të transferohen,

çmimin përkatës dhe mënyrën e pagesës.

Kur jo të gjitha kuotat e ofruara blihen nga ortakët brenda tre muajve nga dita e ofertës, shitësi ka të drejtë t'i shesë të tretëve kuotat e pashitura, me kusht që çmimi i shitjes të mos jetë më i ulët se ai i kërkuar ortakëve.

KAPITULLI IV

Asambleja

Neni 10-Fuqitë e Asamblesë

Asambleja e thirur dhe e përbërë rregullisht, përfaqson vendimet e ortakut të vetem, të marra në përputhje me ligjin dhe këtë statut.

Neni 11-Modalitetet e thirrjes

Thirjet e Asamblesë bëhen nën kujdesin e administratorit që është dhe ortakut i vetem i shoqërisë

Asambleja e thirur me formalitetet e ligjit mund të mbahet veç selisë së shoqërisë, edhe jashtë saj, në atë vend që do të tregohet në lajmërimin e thirrjes. Asambleja e zakonshme duhet të thirret së paku një herë në vit, brenda 4 muajve nga mbyllja e vitit ushtrimor.

Sa herë që nevoja të veçanta e kërkojnë, Asambleja mund të vendosë një afat më të madh, por në asnjë rast mbi gjashtë muaj nga mbyllja e vitit ushtrimor.

Asambleja e jashtëzakonshme thirret për vendime të kompetencës së saj. Thirja e Asamblesë duhet gjithashtu të behet pa vonesë, kur është bërë kërkesë nga ortakët në bazë të ligjit.

Neni 12-Pjesmarrja dhe Delegimi

E drejta e pjesmarrjes në Asamble rregullohet nga dispozitat që përmban neni 85 i Ligjit Nr.9901, date 14.04.2008 «Për tregtarët dhe shoqëritë Tregtare» dhe nga dispozitat e tjera të ligjit.

Neni 13-Drejtimi i Asamblesë

Presidenca e asamblesë i përket administratorit që ka ndërmarrë iniciativën për thirrjen e saj.

Asambleja emëron një sekretar, edhe jo ortak.

Neni 14-Vlefshmëria e Asamblesë

Asamblea e zakonshme vendos me votën e favorshme të ortakut të vetem që përfaqëson 100 përqind të kapitalit themeltar.

Neni 15-Proçesverbali

Vendimet e Asamblesë duhet të rezultojnë nga proçesverbali i firmosur nga Administratori dhe nga Sekretari.

Proçesverbali redaktohet nga noteri në rastet e parashikuara në ligj.

Neni 16-Administrimi

Në përputhje me nenin 95 të Ligjit Nr.9901, datë 14.04.2008 "Për Tregtarët dhe Shoqëritë Tregtare", shoqëria administrohet nga Administratori i vetem, me të drejta firme e përfaqësimi të shoqërisë. Për shitjen e pasurive që përbejnë kapitalin shoqëror apo hyjnë në aktivin e shoqërisë, duhet firma e administratorit të vetem.

Administratori i shoqërisë " **TRADITION & ADVENTURE** " **Sh.p.k.** është caktuar Znj. Alkida Dede, e cila është dhe ortakut i vetem i shoqërisë me afat 5 vjet nga data e hyrjes në fuqi të statutit.

Neni 17-Delegimi i fuqive(kompetencave)

Administratori mund t'i delegojë atributet e tij, duke përcaktuar caqet e delegimit:

- Një Drejtori të Përgjithshëm ose komercial.

Neni 18-Fuqitë e Organit Administrativ

Administratorit i takojnë këto kompetenca :

- Fuqitë (të drejtat) për administrimin e aktivitetit të shoqërisë dhe për përmbushjen më së miri të objektit shoqëror;
- Mbikqyrjen e kontrollin e aktivitetit e të pasurisë së shoqërisë, me të drejtën e kryerjes së të gjitha operacioneve dhe akteve që çmohen të nevojshme për përmbushjen e objektit shoqëror brenda caqeve të përcaktuara nga Asambleja, duke përjashtuar vetëm ato që ligji e statuti ja rezervojnë asamblesë së zakonshme apo të jashtëzakonshme;
- Përfaqëson shoqërinë para të tretëve, duke respektuar objektin shoqëror, autoritetet gjyqsore, administrative e noteriale;

- Fuqitë për organizimin e shoqërisë me të drejtën e krijimit e rregullimit të zyrave të ndryshme (përfshirë Drejtorë, teknikët e nëpunësit), duke përcaktuar funksionet e të drejtat, krijuar e suprimuar organe konsultative.

Neni 19-Përfaqsimi i shoqërisë

Përfaqsimi i shoqërisë i përket në vijë të përgjithshme e pa kufizime, Administratorit te vetem.

Përfaqsimi i shoqërisë i përket gjithashtu:

- përfaqsesve të posaçëm, që mund të emërohen për akte apo kategori aktesh të veçanta, nga të gjithë subjektet e treguar në këtë nen, secili brenda të drejtave të tij.

Neni 20 - Shpërblimi i administratorit.

Administratorit i përket kompesimi për shpenzimet e kryera për arsye të zyrës si dhe një shpërblim, që mund t'ju përcaktohet nga asambleja e zakonshme me vendim të vlefshëm deri në ndryshimin e tij.

KAPITULLI V

Kontrolli i shoqërisë

Neni 21-Ekspertët kontabël të regjistruar

Asambleja e zakonshme emëron në rastet e parashikuara nga neni 135 i Ligjit Nr.9901, date 14.04.2008 “Per tregtarët dhe shoqëritë tregtare” një apo disa ekspertë kontabël të regjistruar. Shpërblimi i tyre përcaktohet nga asambleja në aktin e emërimit.

KAPITULLI VI

Bilanci

Neni 22 - Viti ushtrimor

Viti ushtrimor mbyllet më 31 dhjetor të çdo viti.

Neni 23 - Bilanci

Në fund të çdo viti organi administrativ merr masa në përputhje me urdhërimet e ligjit, për kryerjen e bilancit të shoqërisë.

Neni 24 - Fitimet

Fitimi neto i bilancit ndahet si vijon:

a) 5 % (pesë përqind) destinohet për rezervën ligjore deri sa ajo mos të ketë arritur një të dhjetën e kapitalit shoqëror, si dhe kur rezerva ka zbritur nën këtë shumë, deri në riplotësimin e saj;

b) pjesë e mbetur do të ndahet sipas vendimeve të asamblesë.

KAPITULLI VII

Dispozita të përgjithshme

Neni 25 - Zgjidhja e likuidimi

Aktiviteti pushon dhe shoqëria zgjidhet, kur:

- përfundon afati i kohëzgjatjes së vendosur;
- pamundësia për të mbuluar humbjet e shoqërisë nga ana e të gjithë ortakëve, në përputhje me kuotat shoqërore që ata posedojnë;
- në çdo rast me vendim të Asamblesë së Jashtëzakonshme që do të emërojë një ose më shumë likuidatorë duke fiksuar të drejtat e shpërblimin.

Neni 26 - Klauzola e zgjidhjes së mosmarrëveshjeve

Çdo mosmarrëveshje që mund të lindë rreth vlefshmërisë, interpretimit dhe ekzekutimit të kësaj kontrate, do të besohet vendimit të Gjykatës së vendit ku shoqëria ushtron aktivitetin në përputhje me legjislacionin në fuqi.

Neni 27- Referim

Për gjithçka sa nuk është parashikuar zbatohen normat e Kodit Civil dhe ligjet e tjera të fushës përkatëse.

O R T A K U I V E T E M

ADMINISTRATORI

Alkida Dede